

堯山堂外紀

堯山堂外紀卷八十二

晉陵蔣仲舒編

國朝

草皇帝

長歌短章下筆即就每遇南宮試輒自草程式文曰我不當會元及第耶其檜事亦入神品

宣廟爲皇太孫日端午節

成祖駕幸東苑觀擊

毬射柳聽文武羣臣四夷朝使及在京耆老聚觀自皇太孫而下諸王大臣以次擊射太孫連

發皆中 上大喜射畢嘉勞之因曰今日華夷
畢集朕有一聯爾當思對之曰萬方玉帛風雲
會太孫即叩頭對曰一統山河日月明時年十
五矣 上喜甚賜名馬錦綺諸番物因命儒臣
賦詩盡懽而罷

宣廟嘗詔令臨御以來三科進士御文華殿親試
之拔其尤者鄭建等二十八人與脩撰馬愉陳
循林震曹鼐編脩林文襲綺鍾復趙恢評事張

益同進學文淵閣其優禮給賜一循永樂甲子
之製仍賜御製詩以示勉勵云岩堯崇文閣乃
在城北隅登高一睇望輦飛切雲衢其上何所
儲千載聖賢書其下何所爲衣冠講唐虞國家
久興學側佇登俊儒願此閣下人勉哉惜居諸
黃少保淮辭歸帝宴餞於西苑之太液池親灑宸
翰製詩送之仍賜金織衣一襲詩曰天香早折
仙桂枝筆花五彩開鳳池蓬萊芝山直奎壁近

侍九重天咫尺永樂聖人臨御初鞠躬稽首陳
嘉謨仁皇監國文華殿左右謀猷共羣彥朕承
大寶君萬方相與共理資賢良傾心寫情任舊
老而卿引疾先還鄉五歷星霜復相見霜鬢蕭
蕭秋滿面是時朝旭光升紫殿明相對清言良
慰情留之累月未盡意歸心又欲東南征太液
清泠涵碧藻楊柳芙蓉映相好鳬鷺鸕鶿弄澄
波紫霧紅雲拂瓊島芳釵在俎酒在壺工歌鹿

益同進學文淵閣其優禮給賜一何永樂甲申
之製仍賜御製詩以示勉勵云岩堯崇文閣乃
在城北隅登高一睇望翬飛切雲衢其上何所
儲千載聖賢書其下何所爲衣冠講唐虞國家
久興學側佇登俊儒願此閣下人勉哉惜居諸
黃少保淮辭歸帝宴餞於西苑之太液池親灑宸
翰製詩送之仍賜金織衣一襲詩曰天香早折
仙桂枝筆花五彩開鳳池蓬萊芝山直奎壁近

侍九重天咫尺永樂聖人臨御初鞠躬稽首陳
嘉謨仁皇監國文華殿左右謀猷共羣彥朕承
大寶君萬方相與共理資賢良傾心寫情任舊
老而卿引疾先還鄉五歷星霜復相見霜鬢蕭
蕭秋滿面是時朝旭光升紫殿明相對清言良
慰情畱之累月未盡意歸心又欲東南征太液
清泠涵碧藻楊柳芙蓉映相好鳬鷖鵝鵠弄澄
波紫霧紅雲拂瓊島芳艸在俎酒在壺工歌鹿

鳴續白駒君臣大義士所重心須廷闕身江湖
鴈蕩峯高青不極中有謝公舊遊迹採芝斲苓
可長年應在天南憶天北淮歸刻諸石作奎文
亭覆之

宣廟詩尤多六言過史館曰蕩蕩堯光四表巍巍
舜德重華祖考萬年垂統乾坤六合爲家上林
春色曰山際雲開曉色林間鳥弄春音物意皆
含生意吾心允合天心又詠撒扇曰湘浦烟霞

交翠剡溪花雨生香掃却人間炎暑招回天上
清涼

楊士奇

初名寯字士奇以字行自言三恨不

由進士不得作縣令御史宣德朝與
楊文敏榮楊文定溥並相號三楊世以居
第為別文貞曰西楊文敏曰東楊文定曰
南楊

泰和劉伯川善觀人時楊士奇年十四五與陳孟
潔往候之伯川以二人皆故人子入見款洽是
日雪霽酒酣伯川命各賦詩言志孟潔賦云十

年勤苦事難窻有志青雲白玉堂會待春風楊
柳陌紅樓爭看綠衣郎士奇即景賦云飛雪初
停酒未消溪山深處踏瓊瑤不嫌寒氣侵人骨
貪看梅花過野橋伯川顧孟潔笑曰十年勤苦
只博紅樓一看邪子當不失風流進士顧士奇
笑曰雖寒士甯耐子當大用尚勉之惜予不及
見也伯川卒後孟潔果登第為翰林庶吉士而
士奇官至少師皆如伯川言

泰和古名西昌芳洲陳閣老循家于東城永樂甲午鄉試第一明年禮部會試第二廷試第一先是嘗有讖云龍洲過縣前泰和出狀元至是楊文貞公爲諭德在南京寄二絕其一云龍洲過縣千年識黃甲初登第一名從此纍纍題榜首東城迎喜過西城其後六年辛丑科城西晉鶴齡舉進士第一後十八年爲宣德癸丑真定曹鶴爲泰和典史亦進士第一文貞以爲詩讖而

其初則爲芳洲發云

鶴齡會試日與浙中數舉子同舟率年少狂生談論

鋒出曾爲人簡默在坐若無能者各舉書中疑義問之曾遜謝不知衆皆笑曰凡夫也偶然預薦耳遂以曾偶然呼之既而衆俱下第曾占梅首乃寄以詩曰捧領鄉書謁九天偶然起得浙江船世間固有偶然事豈意偶然又偶然成化戊戌曾彥復爲進士第一上文莊公時爲祭酒以其門下士也爲絲聯以迎之云江右賢科十回虎榜魁天下西昌文運三應龍洲過縣前蓋不數曾者以曾乃官遊人故耳

况鍾爲蘇州知府九載滿日赴京當代軍民詣闕乞畱者數萬人有儒生爲歌謠曰况青天朝命

宣早歸來在明年時已有代鍾者竟易去楊士
奇贈以詩云十年不媿趙清獻七邑重逢張益
州

楊士奇爲首相日鄉人有貢入冒監需選久不授
官者懇公開仕路公不允遂放還待取因作詩
寄公云三十年前做秀才秀才起送秀才回不
如歸去生兒子保作賢良方正來蓋公緣是科
致顯云

東里爲相獨失內閣印去絲
綸簿永不可復爲後世遺憾

大明律有官吏挾妓飲酒之條然宣德間三楊公
猶及用之嘗與一兵官會飲文定倡爲酒令各
誦詩一句以月字在下而分四時令畢文定指
席中侍妓曰不可謂秦無人一妓遽成小詞捧
琵琶歌曰到春來梨花院落溶溶月文定到夏
來低舞楊柳樓心月文敏到秋來金鈴犬吠梧
桐月兵官到冬來清香暗度梅梢月文貞呀好
也麼月總不如俺尋常一樣窗前月諸公劇飲

霜醉而去

三楊當國時有一妓名齊雅秀性極巧慧一日命佐酒衆謂曰汝能使三

閑老笑乎對曰我一入便令笑也及進見問何來遲對曰看書問何書對曰烈女傳三閭老大笑曰毋狗無禮即答曰我是母狗

各位是公猴一時京中大傳其妙

楊榮

字勉仁生時名道應祖達鄉閭啼聲曰雄哉是子必榮顯吾家更名子榮永樂

初命去子字單名榮宣德朝被賜銀圖書五顆曰方直剛正曰忠孝流芳曰關西後裔曰建安楊榮

曰楊氏勉仁

楊文敏在諸生時適夏忠靖公以侍郎使閩暇學文敏講孟子養氣章深契其旨大被嘉獎夏擬

福建鄉試詩云浩興催人入建遊棘闈正爾集
儒流虹霓氣吐三千丈奎壁光浮十二樓天下
爭先看豹變榜中誰獨占鰲頭慙慙文苑司衡
者莫使祥麟後馬牛是歲文敏遂舉鄉試第一
聯中會試第三廷試二甲第一未幾與夏同與
機密云

宣皇帝親御翰墨作春山竹石牧牛三圖題詩其
上裝潢成卷以賜楊榮榮奉和以進御製春山

東山堂外集卷八十一
圖詩曰東風濡墨樂天真谷鳥林花入眼新有
客翫遊清適興萬重淑景萬重春榮和詩曰畫
裏雲山宛逼真紫宸揮灑墨花新微臣願效封
人祝聖壽如山萬歲春御製脩石圖詩曰朝罷
怡情翰墨間千尋雲骨萬琅玕愛渠勁直堅貞
操幾度風霜共歲寒榮和詩曰植物紛紛著兩
間雲根新長碧琅玕聖恩發育同天地願秉堅
剛獨耐寒

何文淵

字臣川晚號純菴永樂戊戌進士後以草萊泰易諸詔自盡

宣德初大臣薦諸知府九人何文淵得温州奉莫
馳驛之任未幾政大治刑清訟簡至於鄰郡訟
有不平亦赴訴焉時屬邑永嘉百姓朱良觀兄
弟爭財訟于郡文淵訊知其情皆惑於婦言也
乃屬其鄉之耆老立兩人庭下以大誼開諭之
因援筆判其狀後有祇緣花底鶯聲巧致使天
邊鴈影分之句良觀兄弟感泣伏謝遂相敦睦

江東朱原虛為學究有詩名二弟在髫年而父
母死焉原虛匿父所遺綾錦十餘篋又逐二弟
居外流離不振一日鄰人降紫姑仙原虛適在
坐乃請曰聞仙姑能詩幸見教仙姑降筆曰何
處西風夜捲霜鴈行中斷谷悲涼吳綾越錦成
私篋不及姜家布被香原虛得詩皇恐乃召二
弟還家與之完娶教之業儒後二弟
俱登科典州郡事原虛如事父焉

宣德間溫州大旱何文淵齋戒禱于山川泣拜移
時不能起其禱詞有云薄壽請從今日止甘霖
望自九天來俄而黑雲四興大雨如注歲大熟
宣德末浙江布政使黃澤以何文淵治行聞於朝

禮部尚書胡濙薦公宜大用擢刑部右侍郎將
赴召溫之官吏軍民累萬攀號隔江居民數千
皆望舟拜泣而歸公在溫六年無錙銖取於民
布裘蔬食處之怡然故去時詩云行囊不載溫
州物惟有民情滿腹中民思之不已爲立生祠
歲時祭祀

吳訥

字敏德常熟人初為太醫院醫士用楊文貞薦歷官都御史謚文恪吳中有夜

航船羣坐多人紛紛偶語訥嘗談及淺學後進曰此韻府羣玉秀才好趣航船耳蓋

言此輩破碎摘裂
抵足供談笑也

吳思菴爲御史時巡歷貴州回三司遣人賫饋黃金百兩追至夔州思菴卻不受就題其封上曰蕭蕭行李向東遠要過前途最險灘若有賊私并土物任教沉在碧波間

南京大理少卿長興楊公復在京甚貧家畜一豕日命童子玄武湖塢採萍藻爲食吳思菴時握都察院章以其密邇廳事拒之楊戲作小詩送

云太平隄下後湖邊。不是君家祖上田。數點浮萍容不得。如何肚裏好撐船。諺云宰相肚

陳繼

字嗣初人稱陳五經姑蘇人其父夢白

相識惟於周文襄處見其一詩遂薦之于孟賢工書有侍姬曰梅花居士掌筆墨

陳嗣初有題月下裁衣一絕云香幃風捲月團團。睡起裁衣思萬端。秋葉未紅金剪冷。玉門關外不勝寒。

陳嗣初家居有求見者稱林逋十世孫以詩爲贄

嗣初與之坐少選入內出手一編令人讀之
則和靖傳也讀至和靖終身不娶無子客默然
嗣初大笑口占一絕以贈云和靖先生不娶妻
如何後代有孫兒想君自是閑花草不是孤山
梅樹枝客慚而退近時宦遊于杭者或娶或女
死者即蔭林墓之先後有人
題壁云太乙宮前處士家于今換作宮人
斜想因孤與人清絕故使桃花犯命耶

張鐸

清江人

宣德初張侍御鐸督銀場於寧德崇學校禮師儒

嘗堂試諸生作詩曰一鳥不鳴黌舍幽東風簷
外彩雲流嘒枚多士冒襟壯織錦何人手段優
應有長公當避舍縱非釋子也低頭六經仁義
如周道分付諸君莫浪求既試品高下優獎賞
士皆爭奮又建閣修齋廡鑄鐘鼎造祭器百度
一親時年甫二十四少年有爲寧人至今頌其
功

黃潤玉

字孟清世為鄞人環四明皆山而其
南若金峨諸峯尤峻秀先生樂之故

自號
南山

宣德間黃潤玉與慈谿王來俱以教職同薦入憲
臺王巡按北直隸時于少保謙任兵部侍郎欲
舉王自代附書問消息潤玉復詩云出處雖同
調睽離各一方只因交最厚常是念難忘賈誼
曾陳策曹參解促裝明年二三月延佇看翱翔
西楊先生甚奇此詩王在職幾五年陞山西叅
政潤玉未滿六年受勅任廣西督學僉事常奏

保明經章致和等六人堪任教職不報作詩云
意氣日相信交游四十年自甘楊炯後誰意祖
生先散地宜藏拙明時肯救賢殷勤一封疏消
息竟茫然

陳信

字履信
仁和人

宣德間陳信以推擇爲吏陽武戾薛祿薦擢大理
評事尋以廉能陞蘇州府通判蘇治煩劇俗舊
華康信裁剝無畱事而持以確守民甚愛之信

嘗有公務之京民有餽白金三百兩者不受尋
乞致仕歸經治所餞賕俱不受前所餽者復持
金懇納信復却之行李蕭然行路稱嘆蘇人杜
瓊贈以詩云南還依舊一寒鹽又却吳民餽賕
錢任使此生貧到骨只畱清節與人傳

陳詢

陳詢忤權貴被謫司僚送行衆爲說令陳循曰轟
字三箇車。余斗字成斜。車。車。車。遠山寒。山石逕。

斜。高穀曰品字三箇口。水酉字成酒。口口口。勸君更盡一杯酒。詢自言曰。盡字三箇直黑出字成點。直直直。馬往而不三點。

茂彪

宣正間有御史茂彪者。舌禿言澁。侍西班有東班御史誤入西班。彪乃面糾曰。臣是西班御史。茂彪有東班與臣一般。御史不合走入西班。然彪言爲包班言。爲邦滑稽者。因其言爲一絕曰。閭

闔門開紫氣高。含香嘗得近神堯。東邦莫入西
邦去。從此人人憚茂包。

時有鴻臚王少卿者善宣玉音洪亮抑揚殊聳

觀聽而其讀奏之際必多吃誤其貌美髯而禿
項朝士遂為詩以嘲之曰傳制聲無敵宣章字
有訛後邊頭髮少前面口鬚多有使回問京師
新事或誦此詩問為誰其人遽曰此王少卿也

章孟端

常熟人

章孟端宣德間為御史時多所彈劾正統初權貴
忌之罷歸京師士大夫以宋人贈唐子方去國
一身輕似葉高名千古重如山之句分韻作詩

送之送者皆被遠謫不數年孟端諸子連中進士爲京官同處一邸嘗春題於壁曰四壁金華看宴罷滿牀牙笏早朝歸人多羨之

吳偉

江夏人別號小仙宣德朝入供奉仁智殿其畫人物出自吳道子傳偉法者平

山張路
最知名

吳偉韶年收養湖省布政錢所家侍其子於書齋中便取筆畫地作人物山水之狀弱冠居金陵其畫遂入神品未嘗究心吟咏達所欲言若有

超悟嘗題自畫騎驢圖云白髮一老子騎驢去
飲水岍上蹄踏蹄水中嘴對嘴

中山武寧王玄孫徐某一日與吳小仙孫院使宴
飲命吳畫女樂諸子及孫吳陪飲之圖畫畢徐
喜曰惜欠風流題客過日太常卿呂常見而題
歌一篇首曰吳生畫手稱奇絕老我措大能評
之麗人舊讀少陵作此樂獨謂君侯宜徐曰不
必謾我但要寫當日實事耳呂然後鋪叙家樂

援引故典末云吳生吳生欲闡揚自畫白晢居
侯菊如何更著孫思邈中酒却要千金方徐大

笑曰是日果中酒也聞者絕倒

嘉靖甲辰間有方士居萬安太

平寺中短髮束鉄圈跛足執拐以行不言姓名
能畫山水人物類吳偉嘗畫所作除夕詩於壁
曰長竿大炬照田塲山寨歸來與未闌稚子送
窮驚爆竹騎妻學富出椒盤江湖朋舊皆為鬼
鄉里兒童半是官少日壯心今未已唾壺敲碎
燭花殘觀詩意斯人固嘗朋巨盜而亡命者也

沈愚

字通理崑山人宣德間與
海寧蘇平等號十才子

沈愚爲人風流蘊藉有續香奩四卷蓋倣韓致堯

之作繡鞋一首曰幾日深閨繡得成。看來便覺
可人情。一灣暖玉凌波小。兩瓣秋蓮落地輕。南
陌踏青。春有跡。西廂立。月夜無聲。看花又濕蒼
苔露。晒向窻前。起晚晴。

蘇平詠豆腐云傳得淮南術。最佳皮膚褪盡見精
華。一輪磨上流瓊液。百沸湯中滾雪花。瓦缶浸
來蟾有影。金刀剖破玉無瑕。箇中滋味誰知得。
多在僧家與道家。

時又有陳體方以詩名吳中
有一妓黃秀雲好詩謬謂體

方曰吾必嫁君然君家貧如此肯為詩百首贈
我以為聘資乎休方信之為賦至六十餘篇情
致清婉傳誦詞林然是枝性實黠慧利於多得
其詩而已於體方本無意也方休方之為詩時
人多笑其老耄被詔而欣然每談於人以為奇
遇焉體方每被人拉向壁作詩必先索酒時有
美句將死頭戴野花肩輿過
游田間狂醉三日乃捐世去

素山堂外紀卷八十二

十七

外紀卷八十二

堯山堂外紀卷八十三

晉陵蔣仲舒編

國朝

于謙

字廷益號節庵其既殺也夫人夢公謂曰吾被刑魄雖殊而魂不亂獨雙目夫

明吾借汝目光將見形于皇帝次日夫人忽喪明已而奉天門災英廟臨視見公于火光中隱隱閃閃時夫人方貶次山海關復夢公曰吾已見形于皇帝矣還汝目光未幾有詔獨貸其夫人後公家屬自成所有還養子康將以公柩歸塋徙倚東市見鬻畫者取視之則公與夫人像也蓋天順初盧太監永亦以奸黨籍沒尋皆宥還

而內帑誤以公像給永所云國朝有三
謙言高廟時余謙在翰林宣廟時虞謙
都御史皆
名人也

于肅愍公少有大志出語不九八九歲時衣紅衣
馳馬有隣長呼其名戲之曰紅孩兒騎馬遊街
公應聲曰赤帝子斬蛇當道聞者驚異

于肅愍公幼時其母梳其髮爲雙角日遊鄉校僧
人蘭古春見之戲曰牛頭喜得生龍角公即對
曰狗口何曾出象牙僧已驚之公回對母曰今

不可梳雙髻矣他日古春又過學館見于梳成
三角之髻又戲曰三角如鼓架公又即對曰一
禿似擂鼓古春遂語其師曰此兒救時之相也
墓誌載古
春為此

于肅愍公爲弟子員日接巡按三司坐一寺中有
指殿中佛曰三尊大佛坐獅坐象坐蓮花可以
爲對在座者曰可令小秀才對時于應聲曰一
介書生攀鳳攀龍攀桂子旣對而出寺衆軍官

問何對于即曰兩衛小軍偷狗偷雞偷莧菜一時絕倒

于肅愍公爲諸生時忽牕外有巨人持一扇乞詩公醉中即揮筆書曰大造乾坤手重扶社稷時其人大驚悲躍而去乃鬼也所遺扇則蕉葉一片耳

宣德初于謙授監察御史每奏對上爲傾聽五年河南山西大災廷議大臣經理上親署謙

名陞行在兵部右侍郎往二省之民歡若更生
九載秩滿始進左侍郎先是河南官吏入朝率
網載香帕磨菇以供交際謙行一無所持作詩
云手帕磨菇與線香不資民用反爲殃清風兩
袖朝天去免得問閭話短長汴人至今誦之少保
高風大節不在詞華而其斷簡殘篇得於煨燼
之餘往往贈炙人口如剽喜門庭無賀客絕勝
厨傳有懸魚謝客只容風入瓦捲簾時放燕歸
巢亦知厚祿慙司馬且守清齋學太常蕭海行
囊君莫笑獨畱長劔倚青天金鞍玉勒羣芳者
肯信吾廬別有春即此可以知其孤介絕俗之

操如香焚。雕盤籠睡鴨。燈暉青瑣。散棲鴉。風穿
珠簾。銀燈暗。月轉高城。玉漏遲。听憤吐。為寒士
語。調羹不用。腐儒酸。即此可以知其經略。閑典
之才。如天外冥鴻。何縹緲。雪中孤鶴。太清癯。醉
來掃地臥。花影。閑處倚牕看。藥方。渭水西風吹
鵲髮。嚴灘孤月照羊裘。即此可以知閑雅。恬淡
之思。其他忠立之氣。夢與古今如詠。蘇武則曰
富貴。儻來君莫問。丹心報國。是男兒。選人致仕
則曰。解組還鄉。未白頭。身安意適。更何求。題十
八學士。高介。憲病起。則曰。一團清氣。難隨俗。有
堯黃。盡足養康。此皆直寫。冒襟不當。以風雲月
露比擬也。

景泰初于肅愍公監修京城見石灰口占一絕云

千槌萬鑿出深山烈火叢中煉幾番粉骨碎身
都不顧只畱青白在人間後以冤破刑此詩預
爲之識云少保又題桑絕句云一年一度伐枝
柯蒿木叢中苦最多爲國爲民皆是
汝却交桃李聽笙歌又題犬云護主有恩當食
肉却銜枯骨獨饑腸于今多少間狼虎無益於
民盡
食羊

于少保先娶董夫人卒少保悼之詩云世緣情愛
總成空二十餘年一夢中疏廣未能辭漢主孟
光先已棄梁鴻燈昏羅幙通宵雨花謝雕闌暮

地風欲覓音容在何處九原無路辯西東

于司馬謙一日與俞司寇士悅偕其僚佐會坐司
寇侍郎戲司馬侍郎曰于公爲大司馬公非少
司驢乎司馬侍郎即應之曰俞公爲大司寇公
則少司賊也舉坐爲之絕倒

王清

字一寧濟寧衛指揮有建業集行世

王清慷慨多勇略宣德間率所部出喜峯口及至
鴛鴦海覘虜累立奇功曾有句云落日龍荒覘

虜還劍光直射斗牛寒少年氣節應無敵肯負
平生一寸丹

正統間王清總督廣東軍務廣賊黃蕭養劫鄉民
叛衆十餘萬圍攻廣州清帥舟師赴援至秒角
尾水淺舟膠失利被執賊素知清威望不敢害
清投水不死因寄衣還廣城中大書詩云兩捧
天書鎮百蠻偶因兵敗不生還飄零身世輕於
葉磊落襟懷重似山半夜愁吟珠海寺幾回夢

墮鬼門關憑君獨有衣相寄爲我招魂宇宙間
數日賊擁清至城下使諭衆開門降清罵賊不
絕遂遇害

郭登

字元登葦昌侯郭子興孫也已巳之變力守大同大小十數戰設飛天網攬地

龍等法發其機頃刻數里皆陷

郭定襄謫甘日岳季方繼至相與甚驩及岳取回
京郭送以詩曰蚤登黃閣贊經綸欲報君恩敢
愛身青海四年羈旅客白頭雙淚倚門親鳴璫

又喜趨仙仗。補袞還思用舊臣。謾道歸來心便
了。天涯多少未歸人。

郭定襄哀征人詩曰。天迷離。路水鳴咽。戰馬無聲。
一寶刀折。冤鬼慘酸。啼夜月青憐。螢螢明又滅。照
見征夫戰時血。

郭登咏白梅云。疎花莫道無顏色。占斷春風天下
白。三生曾用妙香薰。風韻泠泠比冰雪。疎影橫
斜。月滿枝。任教羌笛倚樓吹。歲寒自有心如鐵。

戲蝶遊蜂恐未知。其咏紅梅云。萼綠仙人春睡足。朱顏暈酒香。生玉胭脂初染。五銖衣。幾片湘雲紅映肉。紫府曾食換骨丹。不愁冰雪透心寒。山桃野杏雖相似。別有調羹一味酸。嘗有人召花詩仙箕遜寫玉質亭亭清且幽。其人云。要紅梅印承云。着些顏色點枝頭。牧童垂起。朦朧眼錯認桃林去。放牛又一箕題雞冠花詩。雞冠本是胭脂染。其人云。要白者。即承云。洗却胭脂。以雪妝。只為五更貪報曉。至今猶帶一頭霜。

郭登咏蠹魚絕句曰。瑣瑣如何也。賦形雖無鱗甲。

有魚名元來全不知文意乾向書中過一生。

尹昌

吉水人行
人司正

正統己巳之變尹昌扈駕北征預知勢不可為賦
詩十一首有曰故人欲效新亭泣羈客猶懷禮
國憂又曰授命臨危非愛死全軀避難是偷生

尋自刎而死

英廟在虜廷時聞省城元夕燈最盛鰲山社廟皆有燈句三司亦遊

玩焉有隱者題句云鰲山北聲今宵盛龍駕公
巡幾日還諸藩果見之皆掩泣而歸不復出遊

徐晞

江陰人初為郡吏正統中以郎中試兵
部侍郎鎮甘涼累遷至兵部尚書及為

殿試讀卷官刻錄
惟書江陰人而已

徐晞爲郡吏。日偶隨守步庭墀中。見一鹿伏地。守
得句云。屋北鹿獨宿。晞應聲曰。溪西雞齊啼。守
大驚異。遂不以常禮遇之。

徐晞旣貴。頌乘傳歸里。守令率諸生郊迎。諸生以
其不由科目。俱眇忽。不成禮。郡守怒。因命諸生
句云。壁破石榴紅。門中許多酸子。諸生久不能
屬。晞代爲答云。咬開銀杏白。衣裏一箇大人。仁

諸生驚服遂相率請罪

徐有貞

先名理以倡南遷之議為太監金英所鄙乃更名有貞至於謙之死人

尤歸咎焉

徐有貞年十二三已能古文詞始從吳公訥游訥奇其材祭酒胡儼有人倫鑒訥進之儼所請授進士業適儼病臥見之令為詩公援筆立就云共喜斯文有主盟諸生誰不仰儀刑當時已見尊喬岳後代應傳是列星。上報明君心獨赤。下

延晚學眼能青。童蒙久抱相求志。請向賢關授
一經。儼見詩不覺躍起繞床曰。此鼎鉉器也。遂
以其業授之。

天順初論復辟功封徐有貞爲武功伯。賜鐵券言
者以券文出。公自製草授詞官。中有續禹之語
禹爲天子而有貞云。續有不臣意。且上令自擇
封而武功定。曹操始封。操後卒傾漢室。公出此
亦應有異懷。舉此爲公罪。遂安置金齒爲民公。

行時有詩云聖主憐予好遠遊故教行樂過南
州誰言六詔非諸夏也似三山與十洲雪淨瑤
臺光見月霜餘紅樹不知秋閒心自覺功名淡
却笑畱侯勝鄼侯

四明姚堂守蘇郡被調鎮江代之者爲林一鶚徐
武功送姚詩云袖歸白壁原無玷移去寒梅不
改香豈謔亦有雙木撐篙不如搖之句

徐武功晚年遊浪山水嘗登靈巖調水龍吟自慰

云佳麗地是吾鄉。看西山更比東山好。有罨畫
樓臺。金碧岩扉。彷彿十洲三島。却也有風流安
石。清貞逸少。向西施洞口。望湖亭畔。對雲影天
光。上下相涵相照。似寶鏡裡。翠娥妝眼。且登臨
且談笑。眼前事幾多堪吊。香徑踪消。麝廊香杳。
麋鹿還遊未了。也莫管吳越興亡。爲他煩惱。是
非顛倒。古與今一般難料。嘆宦海風波。幾人歸
早。得在家中老。遇酒美花新。歌清舞妙。儘開懷

抱又何須較短量長此生心應自有天知道醉
呼童更進餘杯便拚得到三更乘月迴仙棹

徐武功又有登獅子山詩云麥黃天氣爽如秋乘
輿聊爲岸壑遊香徑踏花來洞口小舟送酒過
溪頭橫塘樹色連龍塢茂苑煙光接虎丘絕勝
竹林觴詠處即今誰數晉風流

湯胤績

字公讓東甌王諸孫也徐武功李文學

公遂有意引用而武功知其止之已竟
用爲將湯每自誇獨當邊方一面必有可

觀又守邊胡人突至一箭中其兩腮而斃時人遂傳曰湯一面湯一箭

湯胤勳嘗有守宮詩誰解秦宮一粒丹記時容易
守時難鴛鴦夢冷腸堪斷蜥蜴魂消血未乾
子色分金釧曉茜花光映玉韉寒何時試捲香
羅袖笑語東君子細看時有知詩者曰此不減
李商隱也

湯胤勳廳事春聯曰東坡居士休題杖南谷先生
且濫芋後堂曰片言曾折虜一飢不忘君蓋東

谷嘗從興濟伯禮部尚書楊忠定公善奉迎鑾輿故云

鄒御史亮作三夸詩其一言蘇平其二言湯公子
曰湯家公子善夸詡好似蜉蝣撼大樹文章光
燄萬丈長却說杜陵無好句其三言劉草牕湯
在江陰時與劉欽謨同寓舍有松陽學諭錢端
學聞胤勳名乃候拜之坐定端學屢質所爲詩
胤勳始曰可中而厭終而勃然怒何絮絮如此

端學跼蹐去劉戲之曰何有人言公謂杜陵無
好句以今觀之果然胤勳曰吾詩正學杜何嘗
云杜無好句若云學杜者無好句則有之耳

劉欽謨在史館時日請良醢酒一斗然飲少多有

藏者湯東谷從劉索之詩曰兼旬無酒飲詩腹

半焦枯聞有黃封在何勞市上沽劉悉其所藏

與之

欽謨名昌以字行平生所歷大都曰金臺
南都曰雨花臺河南曰嵩臺廣東曰寶臺

蘇曰胥臺故

有五臺集

湯胤績爲叅將守邊突與胡戰敗死後數月口外
某驛天色將暝忽有兵官至騎從甚盛坐中堂
令免供具第索筆硯燈燭閉戶而寢明早驛卒
俟其起開戶寂然無人但見壁間畱詩末有血
汚游魂歸不得當年空築望鄉臺之句始知爲
胤勳云

王偉

長沙人永樂間年十二獻
平胡頌授翰林院秀才

王偉爲郎官時厭御史手本大書署名口占貼之

云諸葛大名垂宇由今人名大欲如何難于士
體無妨碍只恐文房費墨多諸司傳以爲笑一
時大書之風稍息

景泰間劉主靜陞洗馬王偉時爲兵部侍郎戲曰
先生一日洗幾馬主靜應聲荅曰大司馬洗得
乾淨少司馬尚不乾淨我固當洗之衆聞之噱
然後主靜與李克述同陞庶子劉宣化戲謂主
靜曰衆人皆是較庶子先生真庶子蓋主靜
庶出聞之默
然無以荅

韓雍

字永熙吳縣人父以問右徙實京師占

籍宛平劉儼榜進士歷仕正統成化間
官至右都御史天順中冠都憲深視院家
剛特自用馭其屬甚嚴一日歷事監生考
勤命題曰道盛德至同列駭然莫敢啓齒
雍時為僉院從容請曰題難作若加一善
字庶易成文
公欣然從之

韓襄毅公巡江西日方鞠死獄忽誦句云水上凍
冰冰積雪雪上加霜久不能對一囚曰囚冒死
敢對公曰汝能對貸汝死囚曰空中騰霧霧成
雲雲開見日公撫掌稱善果為減死

韓襄毅公招友人賞雪不至以詩促之云南征五
載不見雪今見江鄉臘雪飛老我不禁清興發
故人何事賞心違包含梅柳春無跡照耀乾坤
夜有輝預想來遊須秉燭瓊瑤還襯馬蹄歸

韓襄毅公與夏公埴飲各出酒令公欲一字內有
大人小人復以諺語二句証之曰牽字有五人
下列衆小云上侍一大人所謂有福之人人服
事無福之人服事人夏云爽字有五人旁列衆

小人中藏一大人所謂人前莫說人長短始信
人中更有人有鎮邊都憲與兵官不合都憲於
有蕭何蕭何手裡持一本律口稱犯法之事莫
做發病之物莫吃有所指於兵官也兵官云天
上有太陽地下有張良張良手裡持一把劍口
稱銅刀雖快不斬無罪之人時一太監在坐欲
為分解即云天上有雲山地下有寒山寒山手
裡持一把掃帚口稱台人自掃門前雪莫管他
人瓦上霜遂
一笑而散

王越

字世昌濟人廷試時風捲試卷飛揚空

都御史臧威寧海子封威
寧伯人謂試卷飛揚之識

王威寧所作詩皆粗豪震蕩如其人嘗作鴈門紀
事一律曰雁門關外野人家不養絲蠶不種麻
百里全無桑柘樹三春那見杏花簷前雨過
皆成雪塞上風來總是沙說與江南人不信只
穿皮襖不穿紗人以爲曲盡大同風景

定海沃太守泮性褊急宦路鮮合者王襄敏公嘗
爲詩規之有云今日牧民當尚簡此行聽訟貴
從寬黃堂正是三公路莫負吾儒洗眼看沃公

終不能用晚年家居猶指摘大臣過失訐奏坐
戍榆林窮苦特甚久之宥還

王襄敏公有題四皓奕棋圖一絕云暴楚強秦一
局收不應末着又安劉就中諸呂真勍敵賴得
旁觀有絳侯朱克粹亦有一絕云一局殘碁尚
未終白頭何事到青宮可應千里冥飛翼却墮
畱侯智網中

王威寧尤善詞曲嘗於行師時見村婦便旋道傍

遂作塞鴻秋一曲綠楊深鎖誰家院見一個女
嬌娥急走行方便轉過粉牆來就地金蓮清泉
一股流銀線衝破綠苔痕滿地玳珠賤不想墻
兒外馬兒上人瞧見

王威寧又作朝天子一曲云燒蘿蔔下茶宰鴛鴦
剝鮮到惹得傍人罵人人罵我是箇老庄家我
就裏乾坤大萬古千秋一場閒話說英雄都是
假你就笑我剝麻你休說我哈沓我做箇沒用

的神仙罷。一日忽思退休賦詩云歸去來今歸
去來千金難買釣魚臺也知世事只如此試問
古人安在哉綠醕有情憐我老黃花無主爲誰
開平生事業心如火一夜西風化作灰未幾竟
以事敗徙陸安州安置遂符一夜化灰之速黃
花無主之識當時翰苑有和云那有伊周事業
來耻隨郭隗上金臺權謀術數何深也局量規
模莫少哉半世功名如隙過一場富貴似花開

于今門下三千士。一半寒心一半灰。朝王附

直故云

時兵部尚書陳越亦賴直有中官阿丑者善詬諧一日上前作汪持雙斧趨

險而行或問故答曰吾將兵惟仗此兩鉞耳問鉞何名曰王鉞陳鉞也上微哂焉自此斥逐

直輩

江西古諭蕭大山好奇之士名其堂曰

堂堂軒曰軒軒軒亭曰亭亭亭陳越經江西蕭逝飲徧歷亭館以觀其扁至一洞因戲之曰此何不名曰洞洞洞蕭為不憚